



# BARNAMENNINGARSJÓÐUR ÍSLANDS

ÚTHLUTUN 26. MAÍ 2019

***Borgarbókasafn Reykjavíkur í félagi við Camillu Hübbe, Rasmus Meisler, Danska sendiráðið og skóla- og frístundasvið Reykjavíkurborgar - 18.585.000***

**Söguheimurinn NORD** er verkefni sem felst í því að skapa rými og aðstöðu fyrir ungt fólk í Gerðubergi þar sem lögð verður áhersla á upplifun, sköpun, þátttöku og samveru. Í heimi NORD gefst ungmennum tækifæri til upplifa, skapa, fikta, lesa og miðla. Þar bjóðast ýmsir miðlunarmöguleikar í leik og kennslu og fólk sem starfar með börnum og ungmennum getur nýtt aðstöðuna með ýmsum hætti, tengt þvert á ólíkar greinar; listir, vísindi, sögu og bókmenntir. Verkefninu er ætlað að opna ungu fólki sýn inn í heim stafrænna bókmennta sem hafa rutt sér til rúms á Norðurlöndunum og víðar, hvetja til skapandi samspils milli bókmennta og menningararfs við tækni og umræðuefni á borð við loftslagsumræðu. Með innblæstri úr söguheimi NORD verða ungmennirnir virkjuð til sköpunar og samveru sem stuðlar að betri líðan, sterkari sjálfsmynd og stolti yfir að tilheyra fjölbreyttu samfélagi. Verkefnið spannar tæp tvö ár eða fram til loka ágúst 2020.

***Stofnun Árna Magnússonar í íslenskum fræðum - 9.350.000***

**Handritin til barnanna** er verkefni Stofnunar Árna Magnússonar í íslenskum fræðum sem snýst um að færa handritin til nýrrar kynslóðar. Verkefnið er margþætt og gerir ráð fyrir virkri þátttöku barnanna sjálfra, fjölbreyttri dagskrá, kröftugri fræðslu og útgáfu. Því er beint að börnum á miðstigi grunnskóla um allt land og byggir á vandaðri tíma- og framkvæmdaáætlun sem spannar tæp þrjú ár. Árið 2021 verða 50 ár liðin frá því að dönsk stjórnvöld skiluðu íslensku þjóðinni Flateyjarbók og Konungsbók eddukvæða og af því tilefni gefst því fágætt tækifæri til að draga athyglina að þeim einstaka og lifandi arfi sem býr í handritunum. Í þessum tímamótum liggur kveikjan að verkefninu, sem mun springa út í fjölbreyttum viðburðum á afmælisárinu.

***Listasafn Íslands og Þjóðminjasafn Íslands – 5.300.000***

**Menntun barna í söfnum** - Sótt er um styrk til að efla þátttöku barna í menningarstarfi höfuðsafnanna tveggja Listasafni Íslands og Þjóðminjasafni Íslands. Stofnanirnar þróa vettvang menntunar barna með því að byggja upp nýstárlega aðstöðu og heildræna hugsun til að opna aðgengi og efla menningarlæsi. Söfnin munu saman stofna miðstöð til endurmenntunar á sviði barnamenningar, með það að markmiði að veita þekkingu og reynslu til safna og menningarstofnana um allt land.

***Únglingurinn í Reykjavík - Samtök um danshús, Frystiklefinn Rífi, LungA-skólinn Seyðisfirði og Reykjavík Dance-festival - 5.000.000***

**Únglingurinn á Íslandi** er vettvangur sem mun koma fram fjórum sinnum árið 2019. Listræn stjórn verður í höndum ungmenna í Reykjavík. Verkefnið fer fram á Snæfellsnesi, Seyðisfirði og í Reykjavík. Haldnar verða vinnustofur, málþing og sýningar og er markmið verkefnisins að virkja ungmenni á Íslandi til þátttöku á sviði dans - og sviðslista, ekki í gegnum augu og reynslu fullorðinna, heldur með augum ungmennanna sjálfra og gefa þeim rými innan þessa samhengis.

**Borgarsögusafn Reykjavíkur og Listasafn Reykjavíkur - 4.800.000**

**Viðeyjarundrin** eru námskeið og listasmiðjur í Viðey fyrir börn á ýmsum aldri. Viðey er ævintýralegur staður þar sem hægt er að njóta náttúru, sögu og friðar. Börn fá að upplifa þessi undur með listrænum leiðum í fjölbreyttri dagskrá sem er sniðin að þörfum ólíkra hópa. Gamla skólahúsið fær það hlutverk að hýsa hópa nemenda á leik- og grunnskólaaldri sem og börn á sumarnámskeiðum. Námskeiðin eru samstarfsverkefni Borgarsögusafns og Listasafns Reykjavíkur og verða í boði árlega frá maí til sept.

**Guðrún Bachmann fyrir hönd Vísindasmiðju Háskóla Íslands í samstarfi við Hörpu tónlistarhús - 3.756.000**

**Vísindasmiðja Háskóla Íslands** býður upp á innsetningar og vinnusmiðjur í Hörpu tónlistar- og ráðstefnuhúsi í tilefni af nýrri barnameningardagskrá, þar sem áherslan verður á að tengja saman vísindi og listir með margvíslegum hætti. Með tilraunum, tækjum, tólum, leikjum og þrautum bjóðast börnum á öllum aldri að gera óvæntar uppgötvánir og kynnst nýjum leyndardómum vísinda og lista, ljóss og hljóðs, sjónar og heyrnar.

**Barnameningarfélagið Skýjaborg - 3.567.000**

**SPOR - sýningarferðalag innanlands** með verkið SPOR eftir sviðslistahópin Bibí & Blaka. SPOR er gagnvirk danssýning með lifandi flutningi dansara sem blandar saman dansi og myndlist. Verkið fjallar um orku; orku í hafinu, jörðinni, í geimnum og orkuna í okkur sjálfum. Verkið er hugsað fyrir börn á aldrinum 5 - 8 ára. Bibí og Blaka sækir heim fjóra staði umhverfis Ísland og sýnir bæði skóla- og almennar sýningar á verkinu.

**Klassíki listdansskólinn í samstarfi við Íslenska dansflokkinn - 3.550.000**

**Dans fyrir alla** - Dansgarðurinn í samstarfi við Íslenska dansflokkinn mun með verkefninu bjóða upp á dansfræðslu fyrir 6. bekk grunnskóla á höfuðborgarsvæðinu. Boðið verður upp á ókeypis dansfræðslu og danskennslu auk þess sem nemendurnir fá að sækja sýningar Íslenska dansflokksins.

**Menningarfélag Akureyrar - 3.200.000**

**Leikfélag unga fólksins** - Nýtt sviðsverk sem byggt er á frásögnum íslenskra unglunga. Verkið er unnið uppúr viðtölum við íslensk ungmenni og fjallar um kynvitund, einelti, kvíða, líkamsímynd, samfélagsmiðla, fíkn, kynhneigð og allar þær margslungnu hindranir og áskoranir sem móta sjálfsmynd unglunga. Verkið er fyrsta frumsýning Leikfélags unga fólksins sem er nýtt atvinnuleikhús unglunga á Akureyri, einungis skipað ungum leikurum sem fá þar tækifæri til að vinna í faglegu umhverfi og segja sögur úr sínum veruleika.

**Austurbrú í samstarfi við Skaftfell, Tónlistarmiðstöð Austurlands, Sviðslistamiðstöð Austurlands, Fljótsdalshérað og Skólaskrifstofu Austurlands - 3.000.000**

**BRAS - Menningarhátíð barna og ungmenna á Austurlandi** verður haldin í annað sinn í september 2019 um allt Austurland. Að þessu sinni er þema hátíðarinnar *Tjáning án tungumáls*. Þar munu aðferðir myndlistar, tónlistar, dans og sirkus marka leið til tjáningar, samveru og fjölbreyttar skapandi vinnu. Markmið verkefnisins er að búa til vettvang þar sem öll börn á Austurlandi geta unnið saman á jafningjagrundvelli óháð móðurmáli, tungumálakunnáttu og búsetu. Unnið verður þvert á þjóðerni, byggðakjarna og aldur.

**Reykjavíkurborg – Barnameningarhátíð í samstarfi við Hörpu Tónlistarhús, List fyrir alla, Tónlistarborgina Reykjavík og Listaháskóla Íslands - 3.000.000**

**BIG BANG tónlistarhátíð** fyrir unga áhorfendur þar sem börnum er boðið uppá fjölbreytta efnisskrá sem samanstendur af tónleikum, innsetningum og smiðjum. Tónlistarfólkið sem tekur þátt leitar bestu leiða til að kynna tónlist fyrir börnum auk þess að deila sviðinu með börnunum. BIG BANG er alþjóðlegt verkefni sem fer fram víðsvegar um Evrópu þar sem stór menningarhús umbreytast í tónlistarhús í þágu barna. Hátíðin í Reykjavík er unnin í samstarfi við

**Edda Erlendsdóttir í samstarfi við Stúlknakór Akureyrarkirkju, Barna- og æskulýðskóra Glerárkirkju, Tónlistarskóla Ísafjarðar, Barna- og unglíngakór Selfoskirkju o.fl. - 2.690.000**

**Hver vill hugga krílið?** er tónverk fyrir barna- eða ungmennakór, 4 hljóðfæraleikara og sögumann eftir Olivier Manoury við sögu Tove Jansson í þýðingu Þórarins Eldjárn og verður verkið flutt á Ísafirði, Akureyri og Selfossi í samstarfi við barna- og ungmennakóra á þessum stöðum í mars-apríl 2020. Síðan verður verkið flutt á BIG BANG Tónlistarhátíðinni í Hörpu á sumardaginn fyrsta 23.4.2020. Þar munu fyrrnefndir kórar sameinast fjórum kórum af höfuðborgarsvæðinu, sem tóku þátt í frumflutningi verksins á Íslandi 17.2.2019.

### **Trúðavaktin – Sjúkrahústrúðar - 2.620.000**

**Trúðavaktin** - Íslensku sjúkrahústrúðarnir eru nýmæli á Íslandi. Vaktina skipa níu fagmenntaðir leikarar sem hver og einn hefur skapað sinn einstaka sjúkrahústrúð. Trúðavaktin hóf starfsemi sína 1. mars 2018 og býður ókeypis þjónustu fyrir börn á Barnaspítala Hringsins. Trúðarnir heimsækja öll börn frá 0-18 ára á spítalanum, alla fimmtudaga, allt árið um kring, tveir trúðar í senn. Hlutverk Trúðavaktarinnar er að skapa stuttar gleðistundir í erfiðum aðstæðum.

### **Ásthildur Björg Jónsdóttir - 2.572.200**

**Listasmiðja; Sögur af sjó** - Við lifum á tímum þar sem ógnir af hlýnun jarðar hafa gríðarleg áhrif á hafið. Í listasmiðjum leitast þátttakendur við að uppgötva eitthvað nýtt um sjálfa sig. Í listasmiðjunni *Sögur af sjó* vinna þátttakendur með hafið, skoða hver reynsla þeirra er af hafinu og hvernig samband þeir vilja eiga við það í nútíð og framtíð. Nærumhverfið er notað til að hvetja þátttakendur til að tengjast innri gleði og fegurð en líka vonbrigðum ef umhverfið kallar á þá upplifun. Leitað verður eftir að þátttakendur tengi við fyrri reynslu og sögur sem tengjast nánd þeirra við hafið og náttúru þess.

### **Ari Hlynur Guðmundsson Yates í samstarfi við Animated Learning Lab (í Viborg í Danmörku) og**

#### **Listkennsludeild Listaháskóla Íslands - 2.450.000**

**FLY – ÍSLAND** - Verkefnið snýst um að tengja Ísland við alþjóðlegt samstarf undir leiðsögn stofnunar í Danmörku sem heitir Animated Learning Lab - ALL. Samstarfið er undir heitinu F.L.Y. (Film Literacy Years) og snýst um að auka og efla samstarf milli skóla og sérfræðinga á sviði myndskreytinga, kvikmyndagerðar, hreyfimyndagerðar og fleiri sjónrænna listgreina. Haldnar eru vinnustofur fyrir börn og kennara, sem gefa börnum tækifæri til að læra fögin sín á frumlegan og skapandi máta og að finna leiðir til að tjá sig á nýjan og listrænni hátt.

### **Sauðfjársetur á Ströndum í samvinnu við Strandabyggð, Náttúrustofu Vestfjarða og Rannsóknarsetur Háskóla Íslands – Þjóðfræðistofu - 2.000.000**

**Náttúrubarnaskólinn á Ströndum - tilraunir, hugmyndavinna og þróun.** Hér er um viðamikil nýsköpunarverkefni að ræða, sem Sauðfjársetur á Ströndum stendur fyrir. Skólinn stendur fyrir skemmtilegum námskeiðum og viðburðum á Sauðfjársetrinu fyrir börn á öllum aldri. Þar læra þau um náttúruna úti í náttúrunni sjálfri, m.a. hvernig hægt sé að vernda hana og nýta með skapandi og skemmtilegum hætti. Á árinu 2019 á að efla verkefnið verulega og bjóða upp á þetta dagskrá sem leggur áherslu á að flétta saman skemmtun og fróðleik fyrir börn, útvíst og náttúrufróðleik.

### **Listasafn Alþýðusambands Íslands - 2.000.000**

**Kjarval á kerru** er miðlunarverkefni þar sem farið er með eitt af elstu verkunum í safneign Listasafns ASÍ í skóla og nemendur vinna verkefni sem eru innblásin af verkinu undir leiðsögn kennara í ýmsum listgreinum sem leiða ferlið. Nemendur stúdera verkið, læra um höfund verksins og tilurð þess. Þeir túlka síðan verkið með sínum aðferðum, s.s. hreyfimyndagerð, tónlist, dansi eða innsetningu. Búna er til heimildarmyndir um hvert verkefni fyrir sig til birtingar á heimasíðu safnsins.

### **Menningarhúsin í Kópavogi - 1.800.000**

**Fjölbjóðleg barnamenning** - Fjölskyldustundir Menningarhúsanna í Kópavogi fara fram á hverjum laugardegi í einu húsanna og eru viðburðirnir ávallt ókeypis. Fjöldi barna og fjölskyldna þeirra sækja viðburðina en ljóst er að börn af erlendum uppruna sækja ekki viðburði nema þegar sérstakt átak er gert til að ná til þeirra. Það er von okkar að hægt verði að ná til þessa stóra hóps í því skyni að öll börn á höfuðborgarsvæðinu geti notið menningar og lista, tekið þátt í fjölbreyttri dagskrá sem stýrt er af fagfólki á sínu sviði.

### **Docfest ehf - 1.672.250**

**Akranes með okkar augum** - Heimildaratleikur um Akranes, þar sem börn fá verkefni á hverri stöð og búa til litla heimildamynd. Meðfram þessu verða þeim kennt gildin um hvað má og hvað má ekki með myndbirtingum, hvað myndbirtingar geta gert og áhrifin af því að það sem þú birtir á netinu verður aldrei tekið aftur.

### **Aude Maina Anne Busson - 1.600.000**

**HOMINAL dansverk um tilgang mannsins** - Hominal er vinnutill fyrir existensjalist dansverk fyrir börn sem er unnið á Íslandi og í Frakklandi. Í því er spurningum velt upp um hlutverk mannsins: Af hverju er maður? Hver eru einkenni mannsins? Af hverju er hann í þessum heimi? Í verkinu svara frönsk og íslensk börn þessum

spurningum en hljóðmynd verksins er unnin upp úr samtölum þeirra. Dansverkið túlkar hvernig maðurinn finnur sér nýtt pláss og nýtt hlutverk í nútímanum og framtíðinni, sem verður í betra jafnvægi við annað lífríki.

#### **Hönnunarsafn Íslands - 1.540.000**

**Hönnunarskóli Hönnunarsafns Íslands** – Verkefnið er að danskri fyrirmynd, en Design Museum Danmark hefur í nokkur ár boðið upp á námskeið fyrir grunnskóla- og framhaldsskólanemendur sem þau kalla Design after School. Í samtali við safnið í Danmörku mun Hönnunarsafni Íslands að bjóða upp á svipað námskeið fyrir grunnskólanemendur á aldrinum 13 - 15 ára. Um er að ræða 10 vikna námskeið þar sem nemendum er gefið tækifæri til að kynnst arkitektúr, grafískri hönnun, fatahönnun og vöruhönnun í gegnum fyrirlestra, samtöl og verklega vinnu. Megináhersla er lögð á verklega þáttinn.

#### **Handbendi Brúðuleikhús Hvammstanga - 1.500.000**

**Leiklist á sumarnámskeiði** fyrir börn og ungmenni á aldrinum 6-18 ára sem búa í Húnaþingi vestra og nærliggjandi svæðum. Verkefnið felur það í sér að þátttakendur búa til leiksýningu frá grunni, semja handrit og útbúa allt sem þarf til uppsetningarinnar. Verkefnið gefur þátttakendum tækifæri til að nýta fjölbreytta hæfileika sína á leiklistarnámskeiði undir forystu faglegra stjórnenda sem starfa við Handbendi Brúðuleikhús.

#### **Salvör Gullbrá Þórarinsdóttir - 1.456.640**

**Krakkaveldi – Vinnusmiðja - Hvað ef krakkar fengju völdin?** Vinnusmiðjan Krakkaveldi valdeflir börn á aldrinum 8-15 ára og leyfir röddum þeirra að heyrast í íslensku samfélagi. Í vinnusmiðjunni verða börnin kynnt fyrir aðferðum leiklistar til þess að hafa raunveruleg áhrif í samfélaginu. Verkefnið byggir á sviðsverki Salvarar Gullbrár, Krakkaveldi, sem var sýnt í Listaháskóla Íslands 2018-19. Í tvær vikur fá börnin tækifæri og svið til þess að þróa sínar hugmyndir undir listrænni stjórn með áherslu á sjálfstæði og sköpun.

#### **Strandagaldur í samstarfi við Grunnskólann á Hólmavík, Grunnskólann á Drangnesi, Leikfélag Hólmavíkur og Rannsóknarsetur HÍ á Ströndum - 1.310.000**

**Galdrar og þjóðsögur á Ströndum;** átaksverkefni í miðlun þjóðtrúar á meðal grunnskólabarna í Strandasýslu. Verkefninu er ætlað að efla þekkingu barna á íslensku þjóðtrú, en sérstaða Vestfjarða byggir einmitt á varðveislu margra þjóðsagna og ævintýra sem mikilvægt er að miðla til yngri kynslóða. Galdrasafnið á Ströndum byggir einmitt á þessum menningararfi. Verkefnið snýr að því að efla og samflétta galdra og þjóðtrú þar sem lagt verður upp úr virkri þátttöku barna. Lokaafurðir þessarar vinnu verða svo kynntar á Allra heilagramessu haustið 2019.

#### **Rótarskot Reykjavík - 1.242.400**

**Reykjavík Menningarhringur** eru listrænar sumarbúðir fyrir ungt fólk sem verða í júní 2019 og eru skipulagðar af samtökunum Rótarskot Reykjavík. Með verkefninu er búið til rými fyrir ungt fólk í viðkvæmri stöðu, t.d. fylgdarlaus flóttabörn, til skapandi tjáningar og með það að markmiði að valdefla þau til áhrifa í samfélaginu. Það verður gert í gegnum hip hop menningu og í samstarfi við félagsmiðstöðvar, félagsamtök, skóla og íslenska og erlenda listamenn.

#### **Háskóli Íslands ofl. - 1.000.000**

**Umboðsmenn friðar** - Námskeið í mannréttinda- og friðarfræðslu á vegum Höfða friðarseturs, í samstarfi við skóla- og frístundasvið Reykjavíkurborgar, Rauða kross Íslands, Listaháskóla Íslands og Menntavísindasvið Háskóla Íslands. Markmiðið með námskeiðinu er stuðla að aukinni friðar- og mannréttindafræðslu meðal grunnskólabarna og lögð er áhersla á að efla þekkingu þeirra á Barnasáttmála Sameinuðu þjóðanna með skapandi hætti.

#### **Menningarmiðstöðin Edinborg í samstarfi við Ísafjarðarbæ, Félag opinberra starfsmanna Vestfjörðum, Verkalýðsfélag Vestfirðinga og Vestfjarðastofu - 1.000.000**

**Tungumálatöfrar** er íslenskunámskeið með listsköpun og leik fyrir 5 – 11 ára fjöltyngd börn. Námskeiðið er hugsað fyrir börn af erlendum uppruna sem búa á Íslandi og íslensk börn sem hafa fæðst erlendis en flutt til Íslands eða börn fædd í útlöndum þar sem annað foreldrið er íslenskt og hitt erlent. Kennarar leiða börnin áfram í umhverfi sem eflir málvitund barnanna og styrkir sjálfsmynd þeirra. Töfraganga er hátíð í lok námskeiðsins sem er opin öllum.

### **Tónlistarskóli Ísafjarðar í samstarfi við GamanGaman - 950.000**

**Kvikmyndatónleikar barna á Gamanmyndahátíð Flateyrar** - Vel valin gamanmynd frá tímum þöglu myndanna verður flutt á Gamanmyndahátíð Flateyrar við lifandi tónlistarflutning barna á aldrinum 8-15 ára. Börnin fá innsýn í uppruna kvikmyndanna og hvernig lifandi hljóðfæraleikur var notaður í kvikmyndahúsum heimsins til að glæða kvikmyndirnar meira lífi áður en tækniþróun gerði kvikmyndaþólki kleift að skeyta saman hljóði og mynd.

### **Stúlnakór Akureyrarkirkju í samstarfi við Menningarfélag Akureyrar o.fl. - 900.000**

**Blái hnötturinn og barnasáttmálinn** - Barnakórar Akureyrarkirkju, Barna- og Æskulýðskór Gleráarkirkju og Ungmennakór Akureyrar í samstarfi við Menningarfélag Akureyrar flytja ævintýrið um Bláa hnöttinn á alþjóðlegum degi barna, 20. nóvember 2019, sem er 30 ára afmæli Barnasáttmálans. Blái hnötturinn er mikilvægt og hugmyndafrítt ævintýri, þar sem brýnt er fyrir fólki að sýna réttlæti og mannúð og um leið er það viðvörðun að hlaupa ekki eftir innantómu stuði. Síðast en ekki síst er það ábending um að varðveita æskuna í sjálfum sér.

### **Meðvitaðir Foreldrar - Virðing í uppeldi - 830.000**

**Ævintýraleikvellir** - Markmiðið leikvallanna er að gefa börnum tíma og tækifæri til að njóta sín í frjálsum leik með opinn efnivið. Þar sem börnin fá frelsi til að kanna umhverfi sitt á sínum eigin forsendum, skapa og reyna á hugmyndaflug. Efniviðurinn sem boðið er upp á sem leikfni hefur engan fyrirfram ákveðinn tilgang og því undir börnunum komið að nota ímyndunarafl og efla sjálfstæði sitt í leik. Á meðan er foreldrum boðið að taka skref til baka, fylgjast með og njóta þess sem börnin taka upp á að gera.

### **Tónskáldafélag Íslands - 750.000**

**Myrkrabörn** er ný tónlistarhátíð ætluð börnum. Hátíðinni er ætlað að gera samtímatónlist aðgengilega fyrir börn og fjölskyldur þeirra og standa fyrir viðburðum sem eru upplýsandi og fræðandi samhliða því að vera skemmtilegir. Myrkrabörnum er ætlað að opna heim samtímatónlistar fyrir ungum áheyrendum og skapa vettvang þar sem börn geta kynnst fjölbreyttu landslagi hennar ásamt því að gera samtímatónlist aðgengilega sem felstum.

### **Listahátíð í Reykjavík í samstarfi við List fyrir alla og frístundaheimilið Gulahlíð - 731.800**

**Uppljómunargarðurinn [e. The Garden of Spirited Minds]** er alltumlykjandi listræn upplifun fyrir ung börn og fullorðna, hönnuð til að örva öll skilningarvit. Áhorfendur geta hreyft sig um að vild, notið fjölbreyttra sjónarhorna, kannað umhverfið, verið virk eða slakað á, alfarið á eigin forsendum. Sýningin er á dagskrá Listahátíðar í Reykjavík 2020 en einn sýningardagur verður, í samstarfi við *List fyrir alla*, tekinn sérstaklega frá fyrir börn sem þurfa meira næði til að njóta upplifunarinnar, til dæmis vegna fötlunar eða þroskafrávika.

### **Stelpur rokka! í samstarfi við Reykjavíkurborg - 600.000**

**Rokkrúlletta** - Í *Rokkrúllettu* samtakanna Stelpur rokka! spila þátttakendur saman í hljómsveitum og semja frumsamið lag undir leiðsögn tónlistarkvenna og fagkvenna í tómstundastarfi. Ungmennin taka þátt í skemmtilegum þemaumræðum og föstudagssmiðjum og koma fram á glæsilegum lokatónleikum í nýjum höfuðstöðvum samtakanna í annarlok. *Rokkrúllettan* fer fram á haustönn og vorönn, í alls 10 skipti hvora önn, 3 tíma í senn. Hver hljómsveit æfir einu sinni í viku auk þess að taka þátt í föstudagssmiðjum.

### **Menningarfélagið Hneykslist - 476.500**

**Youth Fringe** er listahátíð innan jaðarlistahátíðarinnar RVKfringe. YF gefur ungu fólki, 13-18 ára, tækifæri til að láta ljós sitt skína. YF einblínir á nýja, unga list. Listamenn leiða vinnustofur yfir daginn en á kvöldin sýna þátttakendur í YF verk sín fyrir almenningi. Við teljum að unglingar hafi getu til að storka hefðbundnum hugmyndum um hvað list er og í gegnum YF viljum við gefa hugmyndum þeirra þann innblástur sem þarf til að lýsa upp framtíð lista- og menningarlandslags Íslands.

### **GamanGaman - félagasamtök - 400.000**

**Vinnusmiðja og barnasýning á Gamanmyndahátíð Flateyrar** – Á Gamanmyndahátíð Flateyrar árið 2019 verður börnum boðið upp á gamanmynda-vinnusmiðju og kvikmyndasýningu þar sem leikarar og aðstandendur myndarinnar mæta og ræða við börnin bæði fyrir og eftir sýningu.

**Amtsbókasafnið á Akureyri - 300.000**

**Útibókasöfn á Akureyri** - Verkefnið Útibókasöfn á Akureyri felst í að grunnskólabörn smíða bókaskápa sem geta staðið úti á svæðum þar sem fjölskyldan kemur saman yfir sumarið. Hönnun og smíði skápana fer fram undir handleiðslu smíðakennara á sumarnámskeiðum. Útibókasöfnin minna á mikilvægi læsis, auka aðgengi að bókum, hvetja til samveru fjölskyldunnar og stuðla að sjálfbærni og umhverfisvernd þar sem notaðar bækur og endurvinnanlegur efniviður er lagður til grundvallar í verkefninu.